



Broj: 01-22/19
Vareš, 31.01. 2019. godine

Z A P I S N I K
sa 22. sjednice Općinskog vijeća Vareš,
održane 27.12. 2018. godine

Predsjedavajući OV je na početku čestitao građanima katoličke vjeroispovijedi blagdan Božić, svim građanima općine Vareš Novu godinu i građanima pravoslavne vjeroispovijedi nadolazeći blagdan Božić.

Predsjedavajući OV Adis Čizmo pozvao je gosp. Nermina Hrvat da pristupi davanju Svečane izjave, kao vijećnik OV Vareš.

Nakon davanja Svečane izjave, Nermin Hrvat je potpisao Izjavu.

U ime Općinskog vijeća, predsjedavajući OV uputio je čestitke novoizabranom vijećniku.

Izvršena je prozivka vijećnika.

Prisutni vijećnici: Mirnes Ajanović, Adis Čizmo, Dženan Džafo, Ilhana Fatić, Nermin Hrvat, Emir Islamović, Kenan Kamenjaš, Đemo Kevrić, Mario Marošević, Mario Mirčić, Safeta Muftić, Anel Muftić, Nedžad Mušanović, Kruno Ridić, Branko Romić, Elvir Rožajac, Igor Šimić i Nikola Šimić.

Odsutni: Fadila Turki.

Adis Čizmo – predsjedavajući Općinskog vijeća Vareš konstatuje da Vijeće može raditi jer ima kvorum za rad sjednice.

Predsjedavajući OV otvorio je 22. sjednicu s početkom u 11,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, tajnik Općinskog vijeća – gosp. Leon Pavlović, pomoćnici Općinskog načelnika – gosp. Ermin Musa, gosp. Čedomir Jelić i gosp. Ibrahim Spahić, rukovodilac JURA – gosp. Rusmir Berberović, ispred Službe za privredu, finansije i trezor – gosp. Boro Anđić i gosp. Dragan Orozović, ispred Službe za opću upravu, društvene djelatnosti i BiZ – gosp. Mersad Đido, zastupnica u Skupštini ZDK – gosp. Vedrana Dugonjić, predsjednici političkih partija i predstavnici medija.

Tajnik OV Leon Pavlović izvijestio je Vijeće o zaključcima i odgovorima na postavljena vijećnička pitanja sa 21. sjednice OV održane 29.11.2018. godine. Na 21. sjednici donesena su tri (3) zaključka koji se odnose na usvajanje Izvještaja o izvršenju budžeta Općine Vareš za period I-IX 2018. godine, Nacrt Budžeta Općine Vareš za 2019. godinu i Nacrt Odluke o izvršenju Budžeta Općine Vareš za 2019. godinu. Svi zaključci su realizovani.

Postavljeno je devet (9) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja. Podsjetio je Vijeće da u skladu sa članom 60. Poslovnika o radu OV, na sjednice Vijeća se pozivaju zastupnici u Skupštini ZDK sa područja općine Vareš (gosp. Alma Kamenjaš i gosp. Vedrana Dugonjić).

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu izvijestio je Vijeće da planovi organa uprave idu redovnim tokom. Mišljenja je da ova godina se završava uspješno ali da uvijek može bolje i kvalitetnije.

Uputio je čestitke novoizabranom vijećniku Hrvat Nerminu i čestitao građanima predstojeće praznike.

(Vijećnička pitanja)

Vijećnička pitanja

Mirnes Ajanović

1. Pitanje uputio ispred grupe građana u vezi problema oko vodosnadbijevanja (nestanka vode) u poslijepodnevним satima ? (dao je pojašnjenje)
2. Pitanje ponovo upućeno ispred grupe građana(roditelja) za stanje ograde na mostu prema zelenoj pijaci i osnovnoj školi.(dao je pojašnjenje)
(Uputio je i sugestiju za plato ispred poreske uprave i banke da se sanira).

Elvir Rožajac

3. Pitanje postavio u vezi održavanja regionalnih i lokalnih puteva u našoj općini.(dao je pojašnjenje)

Dženan Džafo

4. Pitanje uputio Općinskom načelniku: Da li je moguće uputiti molbu ili apel rukovodstvu kompanije „Ljaljić-turs“ u cilju sanacije barem krovnog dijela,ukoliko se već toplotni bilans unutar autobusa ne može popraviti u značajnijoj mjeri? (dao je pojašnjenje)
5. Da li je moguće ubrzati proces postavljanja branika na našim najfrekventnijim lokalnim dionicama i na pojedinim kritičnim mjestima? (dao je pojašnjenje)

Općinski načelnik dao je usmene odgovore na postavljena vijećnička pitanja na samoj sjednici.

Predsjedavajući OV stavio je na raspravu Zapisnik sa 21. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 21. sjednice OV i nakon izjašnjavanja vijećnika konstatira da je **jednoglasno sa (18 glasova „ZA“) usvojen Zapisnik sa 21. sjednice OV.**

Predsjedavajući OV stavio je na raspravu prijedlog dnevnog reda za 22. sjednicu OV koji je usaglašen na Kolegiju Općinskog vijeća.

Ispred ovlaštenog predlagača Ermin Musa pomoćnik načelnika predložio je i povukao točku 5. „Prijedlog Odluke o načinu i uslovima raspolaganja nekretninama-javne prodaje građevinskog zemljišta u svrhu izgradnje stambenih objekata“, sa dnevnog reda o čemu je dao i pojašnjenje. Predložio je dopunu dnevnog reda sa tačkom 5. „Prijedlog Zaključka o ispravci Rješenja Općinskog vijeća Vareš i to: broj: 01-16/16 od 28.01.2016. godine, broj: 01-37/16 od 29.02.2016. godine, broj: 01-38/16 od 29.02.2016. godine i broj: 01-53/17 od 28.02.2017. godine.“

Predsjedavajući OV konstatirao je da je točka „Prijedlog Odluke o načinu i uslovima raspolaganja nekretninama-javne prodaje građevinskog zemljišta u svrhu izgradnje stambenih objekata“ povučena sa dnevnog reda 22. sjednice OV od strane ovlaštenog predlagača i prijedlog dnevnog reda dopunjen sa tačkom 5. „Prijedlog Zaključka o ispravci Rješenja Općinskog vijeća Vareš i to: broj: 01-16/16 od 28.01.2016. godine, broj: 01-37/16 od 29.02.2016. godine, broj: 01-38/16 od 29.02.2016. godine i broj: 01-53/17 od 28.02.2017. godine.“

Predsjedavajući OV stavio je na izjašnjavanje prijedlog dnevnog reda 22. sjednice OV sa izmjenom i dopunom u vezi točke 5.

Nakon izjašnjavanja vijećnika predsjedavajući OV konstatira da je **jednoglasno sa (18 glasova „ZA“ usvojen sljedeći**

Dnevni red

1. Prijedlog Izmjena i dopuna budžeta/proračuna Općine Vareš za 2018. godinu.
-Izvjestilac: Općinski načelnik.
2. Prijedlog budžeta/proračuna Općine Vareš za 2019. godinu.
-Izvjestilac: Općinski načelnik.
3. Prijedlog Odluke o izvršenju budžeta/proračuna Općine Vareš za 2019. godinu.
-Izvjestilac: Općinski načelnik.
4. Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2019. godine.
-Izvjestilac: Općinski načelnik.
5. Prijedlog Zaključka o ispravci Rješenja Općinskog vijeća Vareš i to: broj: 01-16/16 od 28.01.2016. godine, broj: 01-37/16 od 29.02.2016. godine, broj: 01-38/16 od 29.02.2016. godine i broj: 01-53/17 od 28.02.2017. godine.
– Izvjestilac: Ermin Musa.
6. Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2019. godinu, broj: 02-1611/19 od 19.12.2018. godine.
-Izvjestilac: Ermin Musa.
7. Prijedlog Programa rada Općinskog vijeća Vareš za 2019. godinu.
-Izvjestilac: Sekretar OV.

8. Izvještaj o stanju poljoprivredne proizvodnje na području općine Vareš za 2018. godinu.
 - Izvjestilac: Općinski načelnik
9. Izvještaj o realizaciji Programa finansiranja komunalnih djelatnosti u 2018. godini.
 - Izvjestilac: Ermin Musa.
10. Informacija o vodosnabdijevanju i odvozu smeća na području općine Vareš i održavanju javnih površina.
 - Izvjestilac: Ermin Musa.
11. Informacija o stanju napajanja električnom energijom na području općine Vareš i mjerama na poboljšanju iste.
 - Izvjestilac: Ermin Musa.
12. Informacija o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta.
 - Izvjestilac: Čedomir Jelić.
13. Tekuća pitanja.

Ad. 1.

(Prijedlog Izmjena i dopuna budžeta/proračuna Općine Vareš za 2018. godinu.)

Komisija za privredu, finansije i budžet na 12. sjednici održanoj 26.12.2018. godine jednoglasno je donijela sljedeći Zaključak:

- Komisija prihvata Prijedlog Izmjena i dopuna budžeta/proračuna Općine Vareš za 2018. godinu, te ga upućuje Vijeću na razmatranje.

Ispred ovlaštenog predlagača Boro Anđić izjavio je da će nakon rasprave dati odgovore i dodatna pojašnjenja.

Otvorena je rasprava u kojoj su svoja mišljenja, stavove i pitanja iznijeli vijećnici: Safeta Muftić, Đemo Kevrić i Emir Islamović.

Ispred predlagača Boro Anđić dao je dodatno pojašnjenje i odgovorio na postavljena pitanja vijećnika u raspravi.

Zatvorena je rasprava i predsjedavajući OV stavio je na izjašnjavaње Prijedlog Izmjena i dopuna budžeta/proračuna Općine Vareš za 2018. godinu uz Zaključak Komisije za privredu, finansije i budžet.

Nakon izjašnjavaња vijećnika predsjedavajući OV konstatira da su **sa 15 glasova „ZA“ i 3 „SUZDRŽANA glasa) usvojene**

Izmjene i dopune budžeta/proračuna Općine Vareš za 2018. godinu.

Ad. 2.

(Prijedlog budžeta/proračuna Općine Vareš za 2019. godinu.)

Komisija za privredu, finansije i budžet na 12. sjednici održanoj 26.12.2018. godine jednoglasno je donijela sljedeći Zaključak:

- Komisija prihvata Prijedlog budžeta/proračuna Općine Vareš za 2019. godinu, te ga upućuje Vijeću na razmatranje.

Ispred ovlaštenog predlagača Boro Anđić uz objašnjenje predložio je izmjene Prijedloga Budžeta Općine Vareš za 2019. godinu i to:

- *naslovna strana dokumenta stavka „Rashodi i primici“ - da se navedeni iznos 5.418.000 KM zamijeni sa iznosom 5.358.000 KM, stavka „Rezerve“ – da se navedeni iznos 45.000 KM zamijeni sa iznosom 5.000 KM,*
- *strana broj 8. ekonomski kod 613991 „Učešće u zajedničkim projektima i izradi projektne dokumentacije – da se navedeni iznos 100.000 KM zamijeni sa iznosom 40.000 KM,*
- *strana broj 10. ekonomski kod 614411 „Subvencioniranje opravke dimnjaka na stambenim zgradama“- navedeni naziv da se mijenja i da glasi „Subvencije utopljanja stambenih objekata i javnih ustanova“, navedeni iznos 10.000 KM da se zamijeni sa iznosom 20.000 KM,*
- *strana 11. ekonomski kod 616331 „Kamate na domaća pozajmljivanja (glavnica)“ – navedeni iznos 50.000 KM da se zamijeni sa iznosom 140.000 KM*

Otvorena je rasprava u kojoj su učestvovali vijećnici: Safeta Muftić (*zamolila je da se ne rade izmjene Budžeta kako je to ovlaštenu predlagač predložio i predložila je , ako se i ostali vijećnici slažu sa tim, da nadležna Služba izradi nove Izmjene i dopune Budžeta Općine Vareš sa predloženim izmjenama i da se dokument dostavi Vijeću na usvajanje za narednu sjednicu*) i Općinski načelnik Zdravko Marošević (*dao je objašnjenje za predložene izmjene, izjavio je da se slaže sa prijedlogom vijećnice Safete Muftić i da se može eventualno zakazati i vanredna sjednica u vezi kreditnog zaduženja i Izmjena i dopuna Budžeta, o čemu je dao i pojašnjenje*).

Predsjedavajući OV iznio je svoje mišljenje da se o predloženim i obrazloženim izmjenama Budžeta Vijeće može izjasniti na današnjoj sjednici kako bi se izbjegli i troškovi za održavanje vanredne sjednice OV po ovom pitanju.

U daljnjoj raspravi su učestvovali vijećnici: Safeta Muftić (*podsjetila je da je Vijeće usvojilo Odluku o kreditnom zaduženju kojoj rok ističe 2018. godine, te se mora donijeti nova Odluka za 2019. godinu.*), Elvir Rožajac (*izjavio je da podržava Prijedlog sa predloženim izmjenama, skrenuo je pažnju na stanje dimnjaka*), Kruno Riđić (*Klub vijećnika DF podržava Prijedlog Budžeta sa amandmanima, sugerisao da je potrebno ulagati više sredstava u kapitalna ulaganja čemu je dao i pojašnjenje*), Safeta Muftić (*podsjetila je Vijeće da je tražila izjašnjavanje u smislu da se Vijeće izjasni o dva prijedloga i to: izjašnjavanje o Prijedlogu Budžeta Općine Vareš za 2019. godinu sa predloženim amandmanima od predlagača i izjašnjavanje o njenom prijedlogu za dokument u formi koja je dostavljena Vijeću na razmatranje i usvajanje a da se za narednu sjednicu OV vijeću dostave Izmjene i dopune Budžeta sa amandmanima koje je predlagač predložio na današnjoj sjednici*)

Predsjedavajući OV je konstatirao da je ovlaštenu predlagač prihvatio prijedlog vijećnice Safete Muftić da će se Vijeće o Prijedlogu Budžeta Općine Vareš za 2019. godinu izjašnjavati u formi koja je dostavljena Vijeću na razmatranje.

Nastavljena je rasprava u kojoj su učestvovali vijećnici: Demo Kevrić (*skrenuo je pažnju na predloženi amandman koji se odnosi na smanjenje iznosa sa 100.000 KM na 60.000 KM za stavku „Učešće u zajedničkim projektima“*, a u tački 6. Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2019. godinu, broj: 02-1611/19 od 19.12.2018. godine je navedeno da će Općina učestvovati u rekonstrukciji lokalnih cesta i mostova sa iznosom od 135.000 KM, dao je pojašnjenje i predložio da se ta stavka/iznos ne mijenja), Mirnes Ajanović (*Klub vijećnika SDP podržava Prijedlog Budžeta*), Emir Islamović (*Klub vijećnika SDA podržava Prijedlog Budžeta*), Mario Mirčić (*Klub vijećnika HDZ podržava Prijedlog Budžeta*) i Safeta Muftić (*Klub vijećnika SBB podržava Prijedlog Budžeta*).

Općinski načelnik u svom obraćanju odgovorio je na neka pitanja vijećnika postavljena u raspravi, dao dodatna pojašnjenja u vezi energetskog utopljanja, sufinansiranja određenih udruženja i sl. i naglasio da je prioritet svih prioriteta smanjenje dugovanja i rješavanje poreznih obaveza. Zahvalio se vijećnicima na raspravi.

Zaključena je rasprava i predsjedavajući OV stavio je na izjašnjavanje Prijedlog Budžeta/Proračuna Općine Vareš za 2019. godinu u izvornom obliku sa predloženim i usvojenim amandmanima i Zaključkom Komisije za privredu, finansije i budžet.

Nakon izjašnjavanja vijećnika predsjedavajući OV konstatira da je **jednoglasno sa (18 glasova „ZA“)** usvojen

Budžet/Proračun Općine Vareš za 2019. godinu.

Ad.3.

(Prijedlog Odluke o izvršenju budžeta/proračuna Općine Vareš za 2019. godinu.)

Komisija za privredu, finansije i budžet na 12. sjednici održanoj 26.12.2018. godine jednoglasno je donijela sljedeći Zaključak:

- Komisija prihvata Prijedlog Odluke o izvršenju proračuna/budžeta Općine Vareš za 2019. godinu, te ga upućuje Vijeću na razmatranje.

Otvorena je rasprava u kojoj je učestvovala vijećnica Safeta Muftić i predložila proširenje Prijedloga Odluke i to:

- U članu 1. da se doda stav 2. koji glasi: „U slučaju da su obaveze i prava koja proističu iz drugih odluka, zaključaka, rješenja i slično u suprotnosti sa ovom Odlukom, primjenjivat će se ova Odluka.“,
- U članu 5. stav 2. iza riječi „Općinski načelnik“ dodaju se riječi „će predložiti izmjene i dopune Budžeta Općinskom vijeće, a sredstva“ (ostali tekst ostaje isti)
- U članu 12. dodaje se stav 3. koji glasi: „Nalogodavac za raspodjelu sredstava odgovoran je za zakonitost, svrsishodnost, efikasnost i ekonomičnost upotrebe budžetskih sredstava predviđenih finansijskim planom, kao i nosioci iz svojih nadležnosti“.
- U članu 14. stav 1. dodati na kraju riječi „izuzev tekuće rezerve“.
- Dodati novi član 15. koji glasi: „Budžetom nedovoljno planirani i nepredviđeni izdaci koji se eventualno pojave u toku budžetske godine, podmiruju se iz sredstava Budžetske rezerve utvrđene u budžetu. O korištenju sredstava tekuće rezerve, a na osnovu zahtjeva, odlučuje Općinski načelnik po dobijanju mišljenja nadležne Službe.“ (dosadašnji član 15. postaje član 16. itd)

Ispred ovlaštenog predlagača Boro Anđić izjavio je da ovlaštenu predlagač prihvata predložene dopune iznesene od vijećnice Safete Muftić osim dopune novog člana 15. o čemu je dao i pojašnjenje.

Zaključena je rasprava i predsjedavajući OV stavio je na izjašnjavanje Prijedlog Odluke o izvršenju budžeta/proračuna Općine Vareš za 2019. godinu uz amandmane koje je prihvatio predlagač.

Nakon izjašnjavanja vijećnika predsjedavajući OV konstatira da je **jednoglasno sa (18 glasova „ZA“) usvojena**

Odluka o izvršenju budžeta/proračuna Općine Vareš za 2019. godinu.

Ad.4.

(Prijedlog Odluke o privremenom finansiranju potreba Općine Vareš za period 01. januara/siječnja do 31.marta/ožujka 2019.godine.)

Komisija za statutarna pitanja i propise na 14. sjednici održanoj 26.12.2018. godine jednoglasno je donijela sljedeći Zaključak:

- Komisija prihvata Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2019. godine, te ga upućuje Vijeću na razmatranje.

Ispred ovlaštenog predlagača Boro Anđić povukao je ovu točku sa dnevnog reda zbog usvajanja Budžeta Općine Vareš za 2019. godinu.

Predsjedavajući OV je konstatirao da je ovlaštenu predlagač povukao Prijedlog Odluke o privremenom finansiranju potreba Općine Vareš za period 01. januara/siječnja do 31.marta/ožujka 2019.godine sa dnevnog reda sjednice.

Predsjedavajući OV dao je stanku u trajanju od 30 minuta.
Nastavljeno je sa radom današnje sjednice.

Sjednicu su iz opravdanih razloga napustili vijećnici: Mario Marošević, Branko Romić i Mirnes Ajanović.

Ad.5.

(Prijedlog Zaključka o ispravci Rješenja Općinskog vijeća Vareš i to: broj: 01-16/16 od 28.01.2016. godine, broj: 01-37/16 od 29.02.2016. godine, broj: 01-38/16 od 29.02.2016. godine i broj: 01-53/17 od 28.02.2017. godine)

Predlagač nije imao dodatno pojašnjenje za ovu točku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje u paketu Prijedlog Zaključka o ispravci Rješenja Općinskog vijeća Vareš i to: broj: 01-16/16 od 28.01.2016. godine, broj: 01-37/16 od 29.02.2016. godine, broj: 01-38/16 od 29.02.2016. godine i broj: 01-53/17 od 28.02.2017. godine.

Nakon izjašnjavanja vijećnika predsjedavajući OV konstatuje da je **jednoglasno sa (14 glasova „ZA“) usvojen** (odsutna vijećnica Ilhana Fatić)

Zaključak o ispravci Rješenja Općinskog vijeća Vareš i to: broj: 01-16/16 od 28.01.2016. godine, broj: 01-37/16 od 29.02.2016. godine, broj: 01-38/16 od 29.02.2016. godine i broj: 01-53/17 od 28.02.2017. godine.

Ad.6.

(Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2019. godinu, broj: 02-1611/19 od 19.12.2018. godine.)

Predlagač nije imao dodatno pojašnjenje za ovu točku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavaње Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2019. godinu, broj: 02-1611/19 od 19.12.2018. godine.

Nakon izjašnjavaња vijećnika predsjedavajući OV konstatira da **je jednoglasno sa (14 glasova „ZA“) usvojen** (odsutna vijećnica Ilhana Fatić)

Zaključak o davanju saglasnosti na Program rekonstrukcije, izgradnje i obnove lokalnih cesta za 2019. godinu, broj: 02-1611/19 od 19.12.2018. godine.

Ad.7.

(Prijedlog Programa rada Općinskog vijeća Vareš za 2019. godinu.)

Sekretar OV Leon Pavlović dao je dodatno pojašnjenje za ovu točku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavaње Prijedlog Programa rada Općinskog vijeća Vareš za 2019. godinu.

Nakon izjašnjavaња vijećnika predsjedavajući OV konstatira da **je jednoglasno sa (15 glasova „ZA“) usvojen**

Program rada Općinskog vijeća Vareš za 2019. godinu.

Ad.8.

(Izveštaj o stanju poljoprivredne proizvodnje na području općine Vareš za 2018. godinu.)

Predlagač nije imao dodatno pojašnjenje za ovu točku dnevnog reda.

U raspravi je učestvovao vijećnik Dženan Džafo koji je iznio svoje mišljenje o stanju poljoprivredne proizvodnje na općini Vareš.

Nije više bilo učesnika u raspravi i predsjedavajući OV stavio je na izjašnjavaње Izveštaj o stanju poljoprivredne proizvodnje na području općine Vareš za 2018. godinu.

Nakon izjašnjavaња vijećnika predsjedavajući OV konstatira da **je jednoglasno sa (15 glasova „ZA“) usvojen**

Izveštaj o stanju poljoprivredne proizvodnje na području općine Vareš za 2018. godinu.

Ad.9.

(Izveštaj o realizaciji Programa finansiranja komunalnih djelatnosti u 2018. godini.)

Predlagač nije imao dodatno pojašnjenje za ovu točku dnevnog reda.

Otvorena je rasprava u kojoj su svoja mišljenja, prijedloge, primjedbe, sugestije i pitanja iznijeli vijećnici: Kruno Riđić (istakao problem zimskog održavanja trotoara), Elvir Rožajac (istakao problem neadekvatnog/nedovoljnog posipanja cesta posipnim materijalom), Emir Islamović (sugerisao na nabavci vozila za održavanje javne rasvjete, traži da se na dječije igralište dovuče pijesak), Đemo Kevrić (mišljenja je da ovu tačku Vijeće treba da razmatra u I kvartalu za proteklu godinu), Općinski načelnik Zdravko Marošević (iznio je svoje mišljenje u vezi iznesenih diskusija vijećnika i istakao da i građani trebaju da se angažuju u čišćenju grada), Safeta Muftić i Kruno Riđić (replika).

Predsjedavajući OV pohvalio je rad JKP d.o.o Vareš uz sugestiju da za narednu sezonu izvrše dovoz pijeska na dječije igralište u gradu i da se adekvatnije održava cesta posipnim materijalom (radi pješaka), o istom je dao pojašnjenje.

Zaključena je rasprava i predsjedavajući OV stavio je na izjašnjanje Izveštaj o realizaciji Programa finansiranja komunalnih djelatnosti u 2018. godini.

Nakon izjašnjanja vijećnika predsjedavajući OV konstatira da **je jednoglasno sa (15 glasova „ZA“) usvojen**

Izveštaj o realizaciji Programa finansiranja komunalnih djelatnosti u 2018. godini.

Ad.10.

(Informacija o vodosnabdijevanju i odvozu smeća na području općine Vareš i održavanju javnih površina.)

Predlagač nije imao dodatno pojašnjenje za ovu točku dnevnog reda.

Otvorena je rasprava u kojoj su učestvovali i iznijeli mišljenja, primjedbe i pitanja iznijeli vijećnici: Elvir Rožajac (iznio svoje mišljenje u vezi redukcije vode u gradu), Đemo Kevrić (iznio problem nedostatka niša za kontejnere u MZ Striježevo) i Kruno Riđić (upoznao Vijeće sa pritužbom jednog građanina u vezi računa za vodu).

Zaključena je rasprava i predsjedavajući OV konstatira uz **Zaključak da je Vijeće primilo k znanju**

Informaciju o vodosnabdijevanju i odvozu smeća na području općine Vareš i održavanju javnih površina.

Ad.11.

(Informacija o stanju napajanja električnom energijom na području općine Vareš i mjerama na poboljšanju iste.)

Predlagač nije imao dodatno pojašnjenje za ovu točku dnevnog reda.

Predsjedavajući OV podsjetio je Vijeće da je upućen poziv za današnju sjednicu rukovodiocima Elektrodistribucija, te konstatirao da se isti nisu odazvali pozivu.

Otvorena je rasprava u kojoj su učestvovali i iznijeli mišljenja, prijedloge, primjedbe i pitanja vijećnici: Kruno Ridić (postavio pitanje u vezi rekonstrukcije NNM u MZ Duboštica), Elvir Rožajac, Nikola Šimić (sugerirao da Općinski načelnik u dogovoru sa Elektrodistribucijom pokrene radove na elektrifikaciji domaćinstva kojima je to potrebno), Općinski načelnik Zdravko Marošević i Đemo Kevrić (predložio je da se donese zaključak, da se izvještaji i informacije javnih ustanova i javnih poduzeća ne razmatraju ako na sjednici nisu prisutni predstavnici istih).

Općinski načelnik u svom obraćanju iznio je svoje mišljenje u vezi prijedloga vijećnika Đeme Kevrić i nedolaska predstavnika Elektrodistribucija. Predložio je da se uputi dopis sa primjedbama Elektrodistribucijama.

Predsjedavajući OV je na osnovu diskusija u raspravi i iznesenih prijedloga, predložio i stavio na izjašnjavanje sljedeći

Zaključak:

- **Poslati dopis sa primjedbama JP Elektroprivredi FBiH Sarajevo, Poslovnici Zenica i HZ HB Mostar (Nadzornim odborima) zbog nedolaska predstavnika RJ Vareš na sjednicu Vijeća na kojoj je razmatrana „Informacija o stanju napajanja električnom energijom na području općine Vareš i mjerama na poboljšanju iste“:**

Nakon izjašnjavanja vijećnika predsjedavajući OV konstatira da **je jednoglasno sa (15 glasova „ZA“) usvojen predloženi Zaključak i primljena k znanju**

Informacija o stanju napajanja električnom energijom na području općine Vareš i mjerama na poboljšanju iste.

Ad.12.

(Informacija o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta.)

Predlagač nije imao dodatno pojašnjenje za ovu točku dnevnog reda.

Otvorena je rasprava u kojoj su svoja mišljenja iznijeli vijećnici: Kruno Ridić (iznio je mišljenje u vezi Kraljevskog grada Bobovac i dao pojašnjenje) i Nermin Hrvat (upoznao prisutne sa stanjem i radom u NK Vareš i zahvalio se Općinskom načelniku na razumijevanju i pomoći sportskim udruženjima).

Zaključena je rasprava i predsjedavajući OV **uz Zaključak konstatira da je Vijeće primilo k znanju**

Informaciju o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta

Ad.13

(Tekuća pitanja)

Predsjedavajući OV upoznao je Vijeće sa pristiglom poštom i to:

- A) Zahtjevom za izjašnjavanje Ministarstva za privredu ZDK, broj: 04-18-21389-4-2/18 od 12.12.2018. godine u vezi zahtjeva JP „Vodokom“ d.o.o Kakanj i Informacijom JP „Vodokom“ d.o.o. Kakanj broj. 8555-5/18 od 27.12.2018. godine.

Općinski načelnik dao je pojašnjenje u vezi dopisa, nadležnosti i zakonskih procedura Ministarstva, Općinskog vijeća i investitora „Eastern Mining“ d.o.o. Sarajevo vezano za istražne radove na području Rupice-Borovica i Veovača-Orti-Selište-Mekuše na području općine Vareš (Vijeću na znanje).

- B) Zahtjev za ispunjenje obaveza iz koncesionog ugovora, dostavljen od BBM-VAREŠ d.o.o. Vareš, broj 3479/KF/18 od 07.12.2018. godine i odgovorom na isti od Općinskog načelnika koji je upućen Vladi ZDK, broj: 02-1588/18 od 15.12.2018. godine.

Općinski načelnik u svom obraćanju izjavio je da je upoznat sa problemima sa kojima se susreće BBM-VAREŠ d.o.o. Vareš koji se odnose na nemogućnost dalje eksploatacije mineralne sirovine kamena krečnjačkog i eruptivnog porijekla-spilita, zbog drvne mase kojom gospodari JP ŠPD ZDK d.o.o Zavidovići. Predložio je da se Željeznicama FBiH pošalje dopis za hitno planiranje uspostavljanja željezničke pruge od Breze do Vareša, o čemu je dao pojašnjenje.

Predsjedavajući je nakon izlaganja Općinskog načelnika predložio i stavio na izjašnjavanje sljedeće

Zaključke:

1)

1. **Općinsko vijeće Vareš, prihvata akt Općinskog načelnika broj: 02-1588/18 od 15.12.2018.godine kao odgovor na Zahtjev broj: 00.0-18-3465/IS/18 od 06.12.2018.godine, BBM-VAREŠ d.o.o. Vareš za ispunjenje obaveze iz koncesionog ugovora broj: KC 08/2002.**
2. **Akt iz tačke 1. ovog Zaključka čini njegov sastavni dio.**
3. **Zaključak stupa na snagu danom donošenja i isti će biti upućen Vladi Ze-do kantona i BBM-VAREŠ d.o.o. Vareš.**

Nakon izjašnjavanja vijećnika predsjedavajući OV konstatira da je **jednoglasno usvojen predloženi Zaključak.**

2)

Općinsko vijeće Vareš na 22. sjednici održanoj 27.12.2018.godine donijelo je Zaključak da se uputi Zahtjev Upravi JP Željeznice BIH d.o.o. Sarajevo da Javno preduzeće planira u svojim aktivnostima i osposobljavanje to jest uspostavljanje željezničkog saobraćaja na relaciji Podlugovi-Breza-Vareš radi potreba privrede. (BBM-Vareš d.o.o. Vareš-rudnik eksploatacije tehničkog kamena krečnjaka i spilita, JP ŠPD Zavidovići d.o.o i pravni

subjekt „ EASTERN MINING“ d.o.o. Sarajevo koncesije za istraživanje i eksploataciju olova,cinka i barita na području općine Vareš).

Nakon izjašnjavanja vijećnika predsjedavajući OV konstatira da je **jednoglasno usvojen predloženi Zaključak.**

Vijećnik Kruno Ridić sugerirao je da preko zastupnice u Skupštini ZDK sa područja općine Vareš, skupštini prezentiraju probleme naše općine.

C) Obavještenje (dostavljeno u toku sjednice) na usmeni upit Općinskog načelnika o razlozima nestajanja vode na višim spratovima stambenih zgrada, broj: 986-12/18 od 27.12.2018.godine, dostavljen od JKP d.o.o. Vareš.

Vijećnik Elvir Rožajac iznio je svoje negativno mišljenje u vezi dopisa JKP d.o.o. Vareš, o istom je dao pojašnjenje.

Općinski načelnik u svom obraćanju skrenuo je pažnju da svaka redukcija vode mora biti najavljena građanima.

Pozvao je sve vijećnike da 28.12.2018. godine u 13,00 sati prisustvuju, zajedno sa zaposlenicima, ispraćaju u penziju radnica Općine Vareš gosp. Zakire Hodžić i Hedije Herco. Uputio je čestitku za Novu godinu Općinskom vijeću, zaposlenicima Općine Vareš, javnim preduzećima i javnim ustanovama, vjerskim ustanovama kao i svim građanima općine Vareš.

Predsjedavajući OV u svoje lično ime i u ime Općinskog vijeća čestitao je odlazak u penziju gosp. Zakiri Hodžić i Hediji Herco.

Sastavni dio ovog Zapisnika je audio zapis sjednice.

Sjednica je završena u 15,00 sati.

TAJNIK

Leon Pavlović

ZAPISNIČAR

Azra Pijadžer

**PREDSJEDAVALJUĆI
OPĆINSKOG VIJEĆA**

Adis Čizmo